

Broj: 06-03-766-09/58/18
Mostar, 24.10.2018. godine

Na osnovu člana 21., člana 37., člana 84., člana 87. stav (1) i stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 4. stav (1), člana 5. i člana 8. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za obnovu dozvole za snabdijevanje električnom energijom – dozvole II reda broj 06-03-766/58/18 od 28.08.2018. godine podnosioca zahtjeva JP „Elektroprivreda HZ HB“ d.d. Mostar, Mile Budaka 106 a, Mostar, Regulatorna komisija za energiju u Federaciji Bosne i Hercegovine – FERK je 24.10.2018. godine na XVIII redovnoj sjednici donijela sljedeće

RJEŠENJE

1. Izdaje se Dozvola za snabdijevanje električnom energijom - dozvola II reda podnosiocu zahtjeva JP „Elektroprivreda HZ HB“ d.d. Mostar.
2. Dozvola se izdaje na period od 01.01.2019. godine do 31.12.2023. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
5. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je 28.08.2018. godine primio od podnosioca JP „Elektroprivreda HZ HB“ d.d. Mostar Zahtjev za obnovu dozvole za snabdijevanje električnom energijom – dozvole II reda broj 06-03-766/58/18.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima

1

podnesenog Zahtjeva za obnovu dozvole za snabdijevanje električnom energijom – dozvole II reda broj 06-03-766-01/58/18 od 04.09.2018. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopise primljene u FERK 13.09.2018. godine pod brojem 06-03-766-02/58/18, 17.09.2018. godine pod brojem 06-03-766-03/58/18 i 21.09.2018. godine pod brojem 06-03-766-04/58/18 uz koje je dostavio traženu dokumentaciju i obrazloženja. Na osnovu dokumentacije i obrazloženja dostavljenih od podnosioca zahtjeva, FERK je utvrdio da je zahtjev podnosioca JP „Elektroprivreda HZ HB“ d.d. Mostar potpun i da su se stekli uslovi za objavu obavještenju za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za snabdijevanje električnom energijom - dozvole II reda po zahtjevu broj 06-03-766/58/18 od 28.08.2018. godine podnosioca zahtjeva JP „Elektroprivreda HZ HB“ d.d. Mostar. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-766-05/58/18 od 04.10.2018. godine usvojio Nacrt dozvole za snabdijevanje električnom energijom - dozvole II reda, te Obavještenje za javnost o opštoj raspravi o Nacrtu dozvole za snabdijevanje električnom energijom – dozvole II reda, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za snabdijevanje električnom energijom – dozvole II reda na adresu FERK-a ili na elektronsku adresu, u periodu od 08.10.2018. godine do 16.10.2018. godine do 10:00 sati, kao i da su lica koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 08.10.2018. godine do 16.10.2018. godine do 10:00 sati.

Do ostavljenog roka za dostavu pisanih komentara, odnosno do 16.10.2018. godine do 10:00 sati, podnosilac zahtjeva je 16.10.2018. godine pod brojem 06-03-766-06/58/18 dostavio u FERK svoje komentare, dok u FERK nisu primljeni ostali pisani komentari na Nacrt dozvole za snabdijevanje električnom energijom - dozvole II reda, niti je primljen zahtjev za sticanje statusa umješaća. U svojim pisanim komentarima podnosilac zahtjeva je, pored ostalog, u vezi sa tačkom 4.9.2. predmetnog nacrtu naveo da je nepotrebno ovakvu odredbu unositi u dozvolu obzirom da svaki imalac dozvole radi u skladu sa važećim propisima i ugovori koje zaključuje su zasnovani na tim propisima, te da je ova materija dobro riješena tačkom 4.10. važeće dozvole zbog čega predlaže da se na isti način reguliše fakturisanje. Za tačku 4.12.1. je navedeno da se ista treba mijenjati jer niti jedan snabdjevač ne objavljuje javno cjenovnik usluga i kalkulator za izračun troška električne energije za snabdijevanje električnom energijom po tržišnim uslovima, budući da se ovi podaci tretiraju kao povjerljivi. Za tačku 4.12.2. je predloženo brisanje ove tačke iz dozvole, jer je ista prenesena iz Opštih uslova za isporuku električne energije koji dokumenat će sigurno u skorije vrijeme biti mijenjan i trenutno je u fazi iznošenja prijedloga zainteresovanih strana o potrebnim izmjenama i dopunama, tako da je suvišno dozvolu koja se izdaje na rok od pet godina vezati doslovno za trenutno važeće Opšte uslove. Za tačku 5.4. predložena

je izmjena ili izostavljanje uz obrazloženje da je Program restrukturiranja elektroenergetskog sektora u Federaciji BiH trenutačno u fazi ažuriranja, te kako je JP „Elektroprivreda HZ HB“ d.d. Mostar na zahtjev resornog ministarstva dostavila svoje prijedloge te predložila da se Program restrukturiranja odnosi isključivo na izdvajanje operatora distributivnog sistema iz vertikalno integrisanog preduzeća, bez širenja obuhvata na druge elektroprivredne djelatnosti, što je u skladu sa važećim direktivama EU, kao i da je navedeni dokument dostavljen i FERK-u uz zahtjev za obnovu predmetne dozvole, te da je nepoznato kad će ažurirani Program restrukturiranja biti usvojen od nadležnih tijela i kako će glasiti odredbe vezano za gore navedenu materiju.

U skladu sa članom 16. stav (4) Pravilnika za izdavanje dozvola voditelj postupka pripremio je pisani izvještaj, koji je sadržavao komentare, analizu datih komentara i preporuku članovima FERK-a, te je ovaj izvještaj u skladu sa stavom (5) istog člana uputio podnosiocu zahtjeva na komentare 18.10.2018. godine pod brojem 06-03-766-07/58/18.

Podnosilac zahtjeva je povodom navedenog u FERK dostavio 23.10. 2018. godine dopis primljen pod brojem 06-03-766-08/58/18 u kojem je naveo da nema primjedbi na Izvještaj voditelja postupka.

Izvještaj voditelja postupka sa komentarima podnosioca zahtjeva dostavljen je članovima FERK-a dana 23.10.2018. godine pod internim brojem 06-08-233/18 na razmatranje radi donošenja odluke.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoca dozvole. O obavezi plaćanja regulatorne naknade imaoцу dozvole se ispostavlja posebno obavještenje.

Prilikom odlučivanja FERK je razmotrio Zahtjev za obnovu dozvole za snabdijevanje električnom energijom - dozvole II reda podnosioca JP „Elektroprivreda HZ HB“ d.d. Mostar i dokumentaciju priloženu uz zahtjev, te analizirao komentare podnosioca zahtjeva date u postupku opšte rasprave, odnosno izvještaj voditelja postupka. FERK je takođe utvrđivao i činjenice da li podnosilac zahtjeva ispunjava tehničke i druge uslove utvrđene Zakonom o električnoj energiji u Federaciji Bosne i Hercegovine i pravilnicima FERK-a, što je podnosilac dokazivao priloženom dokumentacijom. Komentare podnosioca zahtjeva FERK je pažljivo analizirao u odnosu na važeće odredbe Zakona o električnoj energiji u Federaciji Bosne i Hercegovine, Pravilnika za izdavanje dozvola, Opštih uslova za isporuku električne energije („Službene novine Federacije BiH“ broj 89/14 i 7/18) i Pravilnika o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14), kao i drugih relevantnih zakonskih i podzakonskih akata. Takođe FERK je, u vezi sa članom 87. stav (3) Zakona o električnoj energiji u Federaciji Bosne i Hercegovine, pažnju posvetio i činjenici u kojoj mjeri je podnosilac zahtjeva ispunio uslove koji su bili postavljeni pred JP „Elektroprivreda HZ HB“ d.d. Mostar u Dozvoli za rad-licenci za snabdijevanje električnom energijom - dozvoli II reda broj 06-03-739/55/13 od 06.12.2013. godine koja važi do 31.12.2018. godine. Tako je FERK komentar vezan za tačku 4.9.2. nacрта promatrao u odnosu na obaveze koje su Opštim uslovima za isporuku električne energije postavljene

pred sve snabdjevače električne energije i pravom kupaca na izbor načina regulisanje korištenja distributivne mreže. Naime, članom 6. stav (1) tačka m) Opštih uslova za isporuku električne energije propisana je obaveza snabdjevača da primjenjuje tarifne stavove za korištenje distributivnog sistema u skladu sa podacima primljenim od ODS-a i odvojeno ih iskazuje na računima ukoliko je korištenje distributivne mreže regulisano ugovorom o snabdijevanju električnom energijom, zbog čega u ovom slučaju isto ulazi i u sadržaj odredbi ugovora o snabdijevanju električnom energijom iz člana 35. stav (2) tačka j) Opštih uslova za isporuku električne energije, a u vezi navedenog propisana je i obaveza odvojenog iskazivanje cijene korištenja distributivne mreže na računu snabdjevača u slučaju kad je korištenje distributivne mreže regulisano ugovorom o snabdijevanju iz člana 67. stav (3) Opštih uslova za isporuku električne energije. Svrha navedenih odredbi je jasnoća informacija o obračunu, kako bi kupcima računi bili jasni i razumljivi, što je vidljivo i iz tačke 4.9.3. predmetnog nacрта. Komentar vezan za tačku 4.12.1. nacрта FERK je razmatrao kako sa aspekta ispunjenja tačke 4.13.1. važeće dozvole, tako i svrhe same obaveze snabdjevača propisane u članu 6. stav (1) tačka ii) Opštih uslova za isporuku električne energije vezane za obezbjeđenje kalkulatora za izračun troška električne energije na njihovoj internet stranici, a to je upravo informisanje krajnjih kupaca radi poređenja ponuda pojedinih snabdjevača u slučaju promjene snabdjevača, zbog čega je sam izračun informativnog karaktera i isti ne uključuje ponude sa ugovornom obavezom. Komentar vezan za tačku 4.12.2. nacрта FERK je, kao i prethodno navedene komentare, razmatrao u odnosu na odredbe važećih Opštih uslova za isporuku električne energije i obavezu snabdjevača iz člana 6. stav (1) tačka dd) istih da dostavi obavještenje krajnjem kupcu o isteku ugovora o snabdijevanju najmanje 60 dana prije isteka roka, koja obaveza snabdjevača je, u skladu sa članom 35. stav (2) tačka y) i sastavni dio ugovora o snabdijevanju električnom energijom, dok pitanje eventualne izmjene i/ili dopune Opštih uslova za isporuku električne energije FERK, obzirom na propisane procedure vezane za izmjene i dopune FERK-ovih opštih akata, nije mogao uzeti u obzir prilikom odlučivanja o predmetnom zahtjevu za obnovu dozvole za snabdijevanje električnom energijom – dozvole II reda. Komentar vezan za tačku 5.4. nacрта FERK je razmatrao sa aspekta tačke 5. gore navedene važeće dozvole, a u vezi sa obavezom podnosioca zahtjeva iz člana 14. Zakona o električnoj energiji u Federaciji Bosne i Hercegovine, da djelatnost snabdijevanja električnom energijom drugog reda obavlja funkcionalno razdvojeno od drugih elektroprivrednih i neelektroprivrednih djelatnosti koje obavlja i vodi poslovne knjige i računovodstvo za licenciranu djelatnost odvojeno od drugih elektroprivrednih i neelektroprivrednih djelatnosti koje obavlja i sačinjava odvojene finansijske izvještaje, uključujući odvojeno poslovno upravljanje različitim elektroprivrednim djelatnostima. Obzirom na elektroprivredne djelatnosti koje podnosilac zahtjeva obavlja i za koje ima izdate dozvole za rad, kao i uslove postavljene u ovim dozvolama, FERK je bio u obavezi isto razmatrati i u odnosu na Privremene smjernice elektroenergetske politike Federacije Bosne i Hercegovine („Službene novine Federacije BiH“ broj 80/14), ali i član 114. Zakona o električnoj energiji u Federaciji Bosne i Hercegovine, pri čemu je posebna pažnja posvećena dosadašnjim aktivnosti provedenim u vezi gore navedenih obaveza. FERK je kod postavljanja određenih uslova u dozvoli koja je predmet ovog rješenja u obzir uzeo aktivnosti koje je podnosilac zahtjeva već poduzeo u okviru zakonskih i podzakonskih akata, okolnosti na koje podnosilac zahtjeva nije mogao uticati vezane za Program

prestrukturiranja elektroenergetskog sektora u Federaciji Bosne i Hercegovine, ali i planirane aktivnosti koje su vidljive i iz dokumentacije koju je dostavio podnosilac. Sve navedeno predstavlja razlog zbog čega i nisu mogli biti uvaženi komentari vezani za tačke 4.9.2., 4.12.1., 4.12.2. i 5.4. predmetnog nacрта, te opredjeljenje za uslove koje je FERK postavio podnosiocu zahtjeva, u skladu sa Zakonom o električnoj energiji u Federaciji Bosne i Hercegovine, članom 26. i članom 30. Pravilnika za izdavanje dozvola, ali i drugim relevantnim zakonskim i podzakonskim aktima. Spomenuti uslovi uvažavaju potrebu, ali i obavezu JP „Elektroprivreda HZ HB“ d.d. Mostar da u rokovima propisanim u uslovima dozvole za rad iste ispuni, u cilju zadovoljenja opštih i posebnih kriterija propisanih članom 87. stav (1) Zakona o električnoj energiji u Federaciji Bosne i Hercegovine, odnosno iz člana 25. Pravilnika za izdavanje dozvola.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić